

NAI 3 JOHANES YOM

GAIAS NUG UDAT ENA HEUM

¹ Da Johanes, da Kayaknu udat danab, da layal nab Gaias nahipnu nai iiku yaatem. Da genab nahipnu ool mauhte.

² O lai gamal, Na Kayak ele oitep, oiyak nahip amuam ena daate dootem amu, amubia na keeke ohpa ena daakutnu Kayak unuqidtem.

³ Da lailad laa uدين, na nai genabib dab metemnu, na genab haen oh nai genab waapa daanna oitem elenu matieg doyen, da ool gamag huanak ahom.

⁴ Ao, dahilad nid ag haen oh nai genabib dim lamidna oiteb doyen amu da ool gamag ahak okai aotem, gamag ahak laa nug gamag ahak amu edidkunu elele iita.

⁵ O lai gamal, udat oh na ig lainkad ehanadna hetem amu na genab hetem. Na ii uutem. Genab na laa ii doyadtem amge na ag ele ehanadna, ena hetem.

⁶ Amu dilag ag kristen tamaniak amegpa na ahilagnu oot mauhak dootemnu ele madipig. Amu danab amu ag gokulagnu hebepeg amu Kayak Nug na danab amu atem ehanadkutnu oo daate bia ehanadkut am ena.

⁷ Danab amu ag Jesus Kristus onig binag humaglagnu, iita adi gumadna goteb amu ag ahilagnu udat nob ii aoteb.

⁸ Amunu ig danab amu ehanadkunig am ena. Kobol amupa ig ag ele nai genabnu udat laipu hekunig.

DAIOTREPIS AMU DEMITRIAS DILAH KOBOL

⁹ Da nai laa yen kristen tamaniak metami amge Daiotrepis, nug nuḱa keeke ohnu beḱu hume anuḱte, nug da oḱel dab ii medate.

¹⁰ Amunu da uḱe, apa teḱul dayeb amu da nuhig hak miag api dooglag. Nug ihinignu nai mauhnoak, nai nau ele madite ge nug nai amuib ii madite. Iita, nug ig lainḱad ele ehanata, laugpa diia ii gote, am danab ag ehanadḱulagnu heteb amu nug aib awa ate. Nug anam haaha, laa ag ig lainḱad ehanadḱulagnu oolag daate ele amu, nug ag kristen tamaniakpanu ele lamadte.

¹¹ O lai gamal, kobol nau aib dim lamidme. Na kobol tutuḱu ena amu dim lamite! Laa nug kobol ena hete amu nug Kayak ele laipu daatep. Am laa nug kobol naupa oiḱe amu nug Kayak ele laipu iinab daatep.

¹² Demitrias nug kobol ena hete amunu danab oh ag nug binag meteb. Nai genab am ele nug onig hume, atan tete. Ig ele nug binag metem amu na dooḱem, ihinig nai amu genab.

BAG QAK NAILAALA

¹³ Da keeke kuḱum yaaḱulnu daate amge da uḱugpa yaaḱulnu ool ii daate.

¹⁴ Da paha na gumite goḱulnu dab metem. Da gumite gopi, na da ele nug idu aniddada, nai matignih.

¹⁵ Kayaknu madoḱ nahippa daaḱunu ool daate. Na laipad ipa daateb ele, ag na humidteb. Amu na dahil humitak imu i laintad oh apa daateb ele amu, ag onilag diin, ape doyeg!

KAYAKNU NAI Tituanak Bau
The New Testament in the Nobonob Language of
Papua New Guinea
Nupela Testamen long tokples Nobonob long Niugini
copyright © 1990 Wycliffe Bible Translators, Inc.

Language: Nobonob

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 18 Apr 2025 from source files dated 31 Aug 2023

ed374bb9-d819-53d1-a85b-f86cce3892e1